



**R.P. Petri Leurenii Societatis Jesu, SS. Theologiæ  
Doctoris, & SS. Canonum Professoris Vicarius Episcopalis,  
Sive Tractatus Quaternarius Per Quæstiones & Responsa  
Canonica Deductus**

**Leuren, Peter**

**Coloniae Agrippinae, 1708**

526. An penes Capitulum sit potestas conferendi beneficia debita conferri  
certi generis personis.

---

[urn:nbn:de:hbz:466:1-74203](https://nbn-resolving.de/urn:nbn:de:hbz:466:1-74203)

3. Ampliatur tertio, ut procedat, etiam si collatio spectaret ad Episcopum non facienda nisi cum consensu, & consilio Capituli; cum enim consilium, & consensus ille non faciat provisio nem beneficii communem Capitulo cum Episcopo, provisio adhuc non poterit pertinere ad Capitulum sede vacante. Ventrigl. loc. cit. num. 53. Barbos. loc. cit. num. 10. citans Pavin. p. 2. q. 1. Navar. conf. 20. num. ult. de prab. Molin. de Ius. tract. 5. d. 11. num. 9. & 13.

4. Limitatur è contra responsio quod ad beneficia, qua vivente Episcopo erant collationis libera & simultanea illius cum Capitulo; hoc enim ratione hujus communionis defuncto Episcopo tota transit ad Capitulum, utiturque illud tunc jure suo. Dian. loc. cit. citans Molin. ubi ante. num. 13. Navar. conf. 20. de prab. Fermos. loc. cit. q. 24. n. 5. Corrad. pr. benef. l. 3. c. 6. num. 71. Barbos. Castrop. ll. cit. Azor. p. 2. l. 6. c. 25. q. 13. Neque enim beneficia simultanea collationis, dum vacant sede vacante in mense ordinario, reservantur Papæ per Regul. 2. Cancellar. cum illa loquatur de collatione libera, qua à solo Episcopo ad illius præciam, & totalem voluntatem fieri potest, satisque ostendit Papa per illa verba Regulæ: non tamen ad collationem cum alio vel aliis spectantia: se nolle Capitulo præjudicare in sua collatione sede episcopali vacante. Corrad. loc. cit. num. 71. & 74. Unde jam, dum quidam Canonicatus, v. g. Magistralis, Doctorales &c. in quibusdam Cathedralibus providentur communibus suffragiis Episcopi, & Capituli per concursum, poterit Capitulum sede vacante providere istiusmodi beneficia. Barbos. cit. num. 110. citans Molin. ubi ante. Navar. loc. cit. & c. 1. ne sede. vac. in 6.

*Quæstio 526. Num penes Capitulum sede vacante sit potestas conferendi beneficia debita conferri certi generis personis, puta graduatis, filiis familiis, consanguineis fundatoris, nominatis, vel etiam certæ persona, puta seniori de tali familia seu primogenito?*

R Esp. Non posse conferre Capitulum debita conferri certi generis personis, Dian. loc. cit. resol. 26. referens Coras. de benef. p. 1. c. 7. n. 5. & p. 4. c. 4. n. 37. & Meroll. tom. 3. d. 7. c. 7. dub. 1. n. 107. loquentes in genere de beneficiis debitis certo generi personarum. Castropal. tract. 13. d. 2. p. 29. n. 13. Gonzal. ad Regul. 8. Cancillaria. gl. 45. num. 19. & gl. 9. §. 1. n. 77. loquentes in specie de beneficiis patrimonialibus, hoc est, debitis conferri non nisi oriundi ex tallo loco; in ordine ad quæ licet gravata sit ordinarya potestas Collatorum, nihilominus adhuc eorum dici liberam collationem ait Gonz. loc. cit. num. 75. prout resolutum in Abulensi parochial. 12. Jun. 1594. & num. 19. ubi testatur in una Prioratus de Novemb. 1603, resolutum, esse adhuc liberam collationem, et si facienda necessariò uni ex sex de certo Collegio. Et quod in terminis beneficiorum patrimonialium eorum collatio facta à Capitulo, ejusve Vicario sede vacante sit nulla, resolutum esse in Callagur. beneficii de Arcarsa. 26. April. 1569. ait num. 77. Item Lotter. l. 2. q. 2. num. 30. Ventrigl. loc. cit. n. 56. loquentes in specie de graduatis vel nominatis. Fermos. tract. de Capit. sed. vac. q. 23. n. 14. loquentes in specie de

beneficiis debitis ex fundatione conferti consanguineis fundatoris, vel uni ex personis de certo Collegio.

2. Contrarium sentiente Rebuff. in pr. tit. de devolut. n. 85. & tract. de nominatione. q. 8. n. 49. ubi, quod, ne diurna vacatio contingat, posse Capitulum constituere administratorem, qui provideat de beneficiis, quorum collatio est necessaria. Item Garc. p. 5. c. 7. num. 55. per numeros plures mordicus & fusè tenente contrarium, & conante solvere argumenta Corasii. Nititur autem potissimum hoc argumento, quod militet eadem ratio pro collatione in eo sensu necessaria, quod fieri debeat certi generis personis, quæ militat pro institutione, & confirmatione. Verum ratio in oppositum à Castropal. adducitur, & quidem universalis, militans quoque pro Rebuff. seq. nimirum, quod beneficia debita sunt certo generi personarum, vel etiam certæ, & determinatae in individuo personæ, puta propinquiori fundatori, aut alias digniori, id ipsum non constitutat collationem necessariam, sed liberam, & voluntariam relinquat, dum nemo cogere potest Episcopum ad faciendam talam collationem, & ea debita non est fieri per Episcopum, sed is possit permittere elabi totum semestre datum ad providendum; & ita devolvi collationem ad alium, secus ac contingit in beneficiis, quæ præmissâ electione, & presentatione conferuntur; utpote in quibus compelli potest Ordinarius tam à patrono, & Electoribus, quam à præstanto, & electo, ut electum confirmet, & præsentatum instituat; neque is se defendere potest ex semestri concessio ad conferendum; cum pro institutione, & confirmatione non sit hoc semestre concessum; neque ob illius omissionem institutio & confirmation ad superiorum devolvatur; cum in his non detur devolutio, sed potius cogatur institutor, & confirmator à superiori facere institutionem, & confirmationem.

3. Rationem aliam dat Lotter. loc. cit. num. 30. quod talis collatio non pertineat adhuc ad legem jurisdictionis, utpote ad quam ex dicta necessitate facienda collationis non concluditur; & in materia provisionis, quod minus facultas aliqua transeat in Capitulum sede vacante, sufficiat hunc ipsum casum non esse expressum in jure, juxta Coras. de benef. p. 2. c. 7. num. 4. Feder. de Senis conf. 30. num. 3. & Rotam in Abulensi parochial. 1. Febr. 1593. apud Lotterium. Unde jam etiam manifesta patet disparitas inter dictam collationem, & institutionem, & confirmationem; dum casus ille de confirmatione electi, & institutione præsentati reperiatur expressus in jure; item ille spectet ad legem jurisdictionis, & sic in alio sensu debitus, nimurum quia est Justitia. Confirmantur hæc ex eo, quod dum Episcopus, cui vult ex pluribus graduatis, filiis familiis, nominatis &c. provideret, exercet actum gratia, seu qui propriè est gratificationis. Quin & ad hoc electa à lege est industria persona Episcopi, dum ejus judicio remittitur præelectio unius ex pluribus; in quibus autem electa est industria Episcopi, ea non transeunt in Capitulum sede vacante. Lotter. loc. cit. num. 31. & 32. Et quod specialiter juxta aliquos esse videtur contra Garciam, illud est, quod hæc ratione nimium extendatur potestas Capituli sede vacante circa collationem beneficiorum contra communem praxin, & sensum. Si enim posset con-

conferre beneficia debita ex fundatione certo genere personarum v. g. consanguineis fundatoris; quia talis collatio censatur necessaria, eadem ratione possit conferre debita ex fundatione confiri concubibus fundatoris v. g. Neapolitanis, vel etiam regnicolis, & non exteris; & sic beneficia v. g. totius Hispaniz, quod absurdum inquit Meroll. loc. cit. cum valde impropriè illa omnia beneficia dicantur collationis necessariaz. Quod tamen absurdum male ex eo deducitur; dum nullatenus sequitur: potest Capitulum omnia beneficia eâ lege fundata, ut noui nisi regnocolis conferantur, conferre; ergo potest conferre totius regni beneficia; quia omnia regni beneficia si fundata non sunt; ac proinde, parum hæc instantia urget contra Capitulum.

4. Illud tamen hic notandum, quod monet Fermoſ. loc. cit. num. 20. dum dicitur, non transire ad Capitulum facultatem conferendi beneficia nominatis, id intelligendum de nominatione non habente rationem præsentationis, & relinquentे liberum, ut nominatus præteririposse; alias enim provisio non erit collatio, sed institutio, vel confirmatio. Unde ut Dian. loc. cit. refol. 25. ex Solorzano de jure Indiar. l. 3. c. 13. num. 31. citatis quoque Wamel. conf. 259. & 260. & 267. n. 2. Sebastian. Nevio in Rubr. tit. qui feuda dare poss. n. 25. & seq. aliisque pluribus, id intelligendum non est de nominatione, quæ pro omnibus Indiarum ecclesiis sit à Rege Catholico, utpote quæ rationem vera præsentationis habet, & sit à Rege tanquam patrono omnium illarum ecclesiarum; adeoque jam fieri potest à Capitulo, vel ejus Vicario collatio dependenter à dicta nominatione, utpote jam habens rationem veræ institutionis.

5. Resp. ad secundum: Sed neque fieri potest à Capitulo sede vacante collatio beneficiorum debiti conferri uni in individuo persona, nempe Tito primogenito, vel Cajo opranti illud beneficium. Sic enim convincunt duæ rationes prima pro response pæcedente adductæ contra Fermoſin. loc. cit. num. 14. Dianam, Meroll. II. tit. ubi dicunt in tali collatione nullam exerceri liberalitatem, & de ea collatione necessaria intelligendos AA. apud Garciam dicentes, Capitulum posse facere collationes beneficiorum necessariarum, & de quali collatione in specie loquitur Garcias. loc. cit. num. 90.

*Quæſio 527. An, & qualiter competit Capitulo sede vacante alternativa mensum, dum alias ei competit privativè vel simultaneè cum Episcopo collatio?*

1. R Esp. primò: Capitulo Cathedrali habenti per se, seu privativè ad Episcopum collationem non competit alternativa sede plenâ. Garc. p. 5. c. 1. n. 684. Gonz. ad Regul. 8. gl. 42. n. 2. Gratia enim hæc conferendi alterius mensibus locum non habet in inferioribus Episcopo collatoribus. Gonz. loc. cit. num. 1. Garc. loc. cit. num. 473. nisi forte speciali super hoc privilegio sint donati, ut Lotter. l. 2. q. 41. n. 120. Neque etiam competit Capitulo sede vacante ob eandem rationem. Chock, ad regul. 8. gl. 15. num. 2. Garc. num. 685. citans Rotam in Segob. Canonie. 24. Novemb. 1588.

2. Resp. secundo: Neque competit alternativa Capitulo etiam sede vacante, dum habet alias simultaneam cum Episcopo collationem; quia

tunc confert nomine suo, & est adhuc inferior collator Episcopo. Vide dicta à me in Fero benef. p. 2. q. 582. num. 1.

*Quæſio 528. An Capitulum conferre possit beneficia, quorum collatio ob negligentiam inferiorum collatorum devoluta ad Episcopum fuit, aut certè ad illum devolvenda, ubi is supervixisset?*

1. R Esp. Non convenire super hoc puncto AA. Affirmativam tenent Jo. Andri. in c. quamquam, de elec. in 6. Zechus de benef. & penit. c. 5. n. 5. Zerol. pr. episc. p. I. v. Capitul. §. 5. Lamb. de jurep. l. 2. p. 3. q. 3. a. 8. n. 6. Zipa. de jure pontif. l. 3. tit. ne sed. vac. n. 6. & 7. (ubi is etiam: num verò collatio, quæ jure devoluto competit Episcopo, successori reservanda sit de jure satis problematicè controvèrtitur) Vallen. l. 3. tit. 9. n. 4. Molin. de iusti tract. 5. d. 11. n. 12. apud Barbos. de jure eccl. l. 1. c. 32. n. 110. E quibus Molina his ferè verbis suam sententiam proponit: Quamvis ad Capitulum sede vacante non pertinet conferre beneficia, quæ conferre pertinebat ad Episcopum ratione sua dignitatis, tanquam annexum ejus dignitati ea donare, quando tamen ad Episcopum devolvitur conferre aliqua beneficia ob negligentiam, vel defectum inferioris, tunc ea conferre spectat similiter ad Capitulum sede vacante, ut cum Jo. And. consentiant DD. communiter; quia ea devolutio tunc idque jus pertinet ad jurisdictionem episcopalem ratione utilis administrationis sue diæcesis, in bonum & favorem non Episcopi, sed beneficiorum, & animarum; in ejusmodi autem jurisdictione succedit Capitulum sede vacante. Quod autem in eo eventu collatio beneficiorum ad Capitulum sede vacante spectet, colligitur aperè ex c. illa. in fine juncta gloss. ult. ob negligentiam verò conferendi beneficium intra semestre à punto notitia vacationis transit jus, quod habebat Episcopus ad illud conferendum ad Capitulum, etiam si sedes non vacet, ut habetur c. nulla. §. ult. & c. quia. de concess. prob. &c. Sic quoque hanc sententiam probabilem asserunt Ventrigl. loc. cit. num. 54. Dian. loc. cit. refol. 27. licet uterque dicat, se sententia opposita adhædere, ponitq; hanc pro ea rationem Dian. quod hac devolutio, seu potius facultas hæc conferendi in casu devolutionis negligentiam superioris supplendo pertineat ad Episcopum ratione jurisdictionis episcopalis (& quidem, ut dicebat Molin. necessariæ ad diæcesis utilem administrationem) adeoque in ea conferatur Capitulum, secus ac accidit in potestate conferendi iure proprio; utpote quæ nascitur tanquam fructus ex dignitate episcopali, & ut Lotter. supra, conferre hoc jure proprio Episcopali non spectat ad jurisdictionalia.

2. His tamen non obstantibus contrarium tenent præter Dianam Ventrigl. loc. cit. Meroll. tom. 2. d. 7. c. 7. dub. 9. n. 118. Fermoſ. cit. loc. q. 24. n. 4. Garc. p. 5. c. 7. num. 53. Castrop. cit. loc. num. 10. Azor. p. 2. l. 2. c. 38. q. 6. & l. 6. c. 26. q. 9. Laym. in c. cum oīm. de major. & obed. n. 3. Barbos. cit. num. 110. citans Pavin. p. 2. q. 2. n. 10. Rebuff. tit. de devol. n. 93. Quarant. Felin. Abb. &c. Fundamentum hujus intentiæ est, quod hæc devolutio ad Prælatum superiore inducta ob negligentiam, vel defectum Prælati inferioris non deducatur immediate ex natura rei, nec ex aliqua ratione concludente, sed